

校經廩文

纂

校經閣藏板

嘉慶壬午歲午間儀徵阮師視學兩浙始倡爲經史之學士  
之樂聞者上下十一州比肩相及旣而諸城劉師繼之  
同人共爲識容臺者咸訂縞紵因得交吾友薌沚於青明  
門外論詩文甚洽未幾試

建極殿廷則余與薌沚皆詭得復失落然南還余肯就阮師  
武林之招薌沚亦應少峰嚴太守之聘至金華雖共在一處  
每曰不得徃復爲憾乙亥春余假館蘇臺薌沚後至自此晨  
夕過從說經史疑事甚多薌沚方刻小學正譌取許祭酒說  
文本義曰推明世人沿習之非余亦厭棄辭章自咎并此之

汨沒於俗學兩人嗜好蓋不約而同矣會薌止已詩悉屬序  
卒卒未有已應去季余已疾歸家仲冬復渡江則向日所輒  
識與同舉於鄉者不勝升沈之慨而存者亦農星暮雨不可  
復合益歎梗汎無常如吾兩人之矻矻於故紙堆中真不可  
多得也今季余來洞庭鹵山取道吳門攜近謨鹵蔓紀事質  
於薌止不數日輒復別去五月書來曰余近輯并後稟若干  
卷已歲事夙諾在彼子其爲元晏一言吁余何足已敘薌止  
之文哉顧薌止之詩取材三唐文亦原本經術此有識者其  
知之矣唯聖門六藝今存者禮書數三而已余嘗欲習立天  
元一瀆而四審理堂孝嬰价人皆不可復伯小學雖羣習堯

多然心解神契如薌沚者蓋寡自問資性鈍拙六書非良友  
切磋不足已發其癥結狀則知薌沚者莫余若也序非余作  
而誰作哉管在羣經室阮師編文集成命識緣起自惟从游  
之久不設辭則今日之沿此例奚不可也薌沚明年將僊游  
而歸書來訂後會既書此已見兩人之稷繁復爲之三歎已  
道光元年九月烏程季愚弟張鑑書於包山銷夏灣之澂波  
皓月樓

余自弱冠後客游虎林旋負米四方三十年來風塵奔走羈  
旅之日居多勝賞窮愁輒有所作或多棄置齒既逾艾落拓  
不偶亦無復志於榮利頃寓吳門合篋中稟刪汰之錄存十  
之三四皆顏黃門謂世人至無才思自謂清華流布醜拙江  
南號爲詭擬符余媿才陋力淺不敢步武前人猶爲緘石享  
帚知難免黃門所譏爾庚辰八月朔日富孫自識

校經廬文集卷第一

嘉興李富孫旣訪

雜詩

周衰至七國大道日淪器人欲旣橫流楊墨迭恣放巖巖鄒  
魯儒祇排氣益壯不先正人心狂瀾曷由障舜蹠別兩途義  
利辨趨向斯言揭宇宙庶可挽積浪賴茲息邪說禹功良不  
讓奈何及後世汨溺少敦尙仁義慨不明見得皆苟妄滔滔  
勢未已奔馳各異狀誰爲孟氏徒一時崇物望再申義利章  
積習痛懲創風俗能返淳治軼隆古上

孟氏闢楊墨深爲聖道閑仁義懼充塞底柱障百川天地生

斯民皦皦曷由全惟賴胞與懷能補造化權一毛多不拔何  
以救倒懸安忍令顛頓塊然區宙間因歎墨翟子一身切痼  
瘵苟利於天下摩頂相棄捐兼愛猶爲仁濟世獨仔肩雖施  
少等差直較爲我賢竊惟二子學挈量殊方員勿視皆異端  
詆排涉拘牽所以墨子書循誦今猶傳嗟被害仁者岐路早  
涕漣後世罔稱述尙慮禍蔓延何爲君子徒傾鎔弗慎旃  
戴記四十九授受由古咎自從宋世儒庸學別編冊稱爲四  
子書表章詡神力經義實萌芽用垂取士則遠述孔孟言謂  
可資羽翼束縛章句中尺寸限繩墨變本而加厲扞詞競未  
息徒事矜浮夸六籍轉荒殖躬行誰云逮惟以藉綠飾紛紛

相規倣苟且昧經國當始執業時志本在祿食一旦弋榮名  
筌蹄乃棄擲人材日消耗誰陳治安策持此參廟謨何以望  
皋稷

周官設庠序賓興重造士選舉得真材權實由鄉里下至兩  
漢朝察廉州郡始魏晉置中正九品定臧否攷覈在焯知賢  
才自蔚起無濫亦無遺堪爲後代軌擾擾元魏時羽林安希  
仕新格創停年本謂權宜爾旣難擇與璠轉或屬穉性取舍  
多混淆奚以厲操履當時景安甥遺書早詆訾自來掌銓衡  
踵行昧其旨清濁患同流得無此嚆矢積久宜變通誰復議  
張弛



孔孟相繼沒聖學嗟微茫有唐韓子出大道藉以彰論姓分  
三品已升洙泗堂原道續微言先後遙相望耿耿佛骨表氣  
節凌八荒臣心終不折異彼焚箴章庭湊百萬衆一言懾其  
強浩氣流天地文炳削宿光奈何後之人訾訾不自量撼樹  
笑蚍蜉哆口如螭螭陰翳蔽所見日月終何傷

君子貴中庸小人罔忌憚魯史寓王法反正先撥亂云何肆  
譏議朝報嗤已爛非聖學當誅曷不置兩觀誤讀周官經舊  
章悉更變青苗竭民財錙銖事權算敬天與法祖狂言皆侮  
玩當時昧奸僞不知亟流竄國禍自此萌坐構汴京難經義  
創新奇作俑始一旦流毒滋無窮實貽後世患墨守尺寸規

已足備楨榦學不通古今何由資囊贊儲材計日非厥咎復誰追緬思熙寧朝廢書發三歎

聖道在天壤不絕真如絲爰自明中葉姚江挺英奇古稱三不朽惟公儻兼之揮手安社稷撼鱗慰瘡痍大勛炳史冊氣與星辰垂良知揭奧旨實闡孟氏微渺渺千載後斯文信在茲道高忌由至功大謗所隨夏蟲語足語紛紜徒共訾苟非立絕業真儒亦安期請問講學家空談究奚爲

儒者尙矜羣中立道自泰志節凜風霜何有爭纖芥藹然春溫和未嘗隨衆喙一自朋黨興是非由憎愛洛蜀旣紛紜講學多窒礙門戶嗟日分流弊及後代朝野各樹幟角立競勝

敗異者極觝排羅織逞所悵同者必輓推相倚若肺腑彼此  
挾偏私冰炭鼎愈沸激揚或太過亦致宵小慙水火力交攻  
報復在睚眦百計恣傾陷清流反罹害賢姦已混淆國事日  
益壞覆轍鑒前途足爲後車戒

鷗蕩

當谷先生故居

爲訪幽人宅重來景色清沙鷗浮水靜漁火隔橋明米市終  
身隱詩名一世傾高風邈何許俯仰動深情

芳樹

芳樹發新叢花光照日紅瑤階空旖旎翠幌曉玲瓏歌舞來  
鸞燕陰晴雜雨風陽春三月暮愁思繞簾櫳

一休洗紅

休洗紅洗多澹無色  
人世情變殊舊時  
難再得濃顏長好  
豔春風一朝非故感飄蓬

獨不見

家臨大道跨朱樓  
綺疏日映朝雲浮  
襪花旂旒照顏色  
春風駘蕩吹羅幃  
青谿白水空微步  
高髯悵馬誰遨游  
韶華已暮獨不見  
夜如何其月當頭

杏花用昌黎韵

晴煙漠漠朝浮空  
杏林一色初舒紅  
霞明日出看絕態  
宛若含笑迎東風  
有時細雨籠薄霧  
好景原與江南同  
十里娉婷

絳雲遠酡顏漫欲誇酒功去年臥病寒食節春風吹夢荒山  
中只聽深巷賣花擔未得蠟屐採芳叢回思舊事曾幾日眼  
前又見青江楓鸞啼燕語小院靜對此脈脈情無窮疎梅纔  
落高館側天桃將綻鄰牆東何人愛惜韶光媚好沽村釀邀  
詩翁

石橋看新漲

邨南一夜雨新漲迢迢雲氣藏林塢煙痕帶石橋寺門芳  
草遠籬舍落花飄谿畔逢漁叟相將撥短橈

剩舫牡丹盛放賦呈二從叔三首

一曲蒹葭漲碧新半開老屋枕谿濱名花幾朶遺芳在喜傍

紅欄殿暮春

草堂裙屐水雲間酒璣詩脾日往還畱得徐熙圖畫好掀窗

對面六峰開

徐師南先生詠草堂牡丹句云徐熙落墨也無多

靜翫閒雲熱客無

鄭谷口爲先徵士公分書楹帖云閒雲自遠熱客不來

四圍老樹綠

陰鋪百年花事長如此惆悵空存話舊圖

先徵士公有剩觚圖罔中李小有作

機谿從祖續繪剩觚話舊圖

別谿邨午眺同孔秀才

繼麟

作邨爲詩僧拙厓別谿庵遺址

別谿禪院沒寒煙祇有清流帶碧天刈麥人過朝雨霽采桑

歌靜午陰圓龕燈好句慈雲散蟬蛻遺踪里老傳

拙公化後將仙去惜

爲人毀

猶憶宗雷風雅地佛香吟社話當年

先徵士公集中與拙公唱和甚

多

少年子

上馬彎彫弧出門誰敢侮馳騁向平原刺殺兩猛虎

詠橘李分限麻韵

效暴書亭分賦體

古城傳越絕纖仄紀吳娃樹滿薰風綻園開暑雨加芳名標  
魯史遺種訪禪家自得蟠根地甯移折戟沙詮文徵木擣譯  
字釋陵迦翠籠寫殊柰晶盤堆並瓜分甘推絕品消渴憶仙  
葩重愛吾鄉果來禽未許誇

四月十四夜對月

皓月徹清夜纖雲杳無遮澄輝流衣帶素彩浮方紗娟娟入

疏牖渺渺驚棲雅涼飈一破拂顙氣滿天涯仰視清光迴望  
遠徒咨嗟緬彼章安道感茲風露加迢遞眇難卽夢繞晨昏  
奢念此千里共清景無幽遐局促名未立顧影怵自撾短檠  
澹明滅何能揚光華餘照委萬丈縱覽情復佳殘編聊卒業  
素魄歟已斜

十五夜月

爽氣逼庭際素月露雲端光照涵萬象鏡彩何團團倏忽迅  
飈至陡覺青衫寒清輝一以鑒我懷遠且閒草堂北浣花裙  
屐相往還霸才鄙管樂碩學尊孟韓載酒日吟詠開徑天際  
寬弦望幾更易緬想風猶存物理戒盛滿葆冲靜遐觀澄微



無纖翳清夜永爲歡至寶無彫琢黯黯良璞完

十六夜月

東南凝灝氣林表揚清輝開軒獨眺望素影鑒薄帷華彩猶  
似昨皓潔無少虧層霄斂微雲肅肅清颼吹襲回廣除下爽  
氣侵我衣上堂扶鳩杖改席娛芳卮瑤琴聊一試欣叶埴與  
簾旣歌蟋蟀唱復詠鵲鵲詩念彼田氏荆懷此謝樹枝流光  
信可葆行行同所期

十七夜月

中庭屢方簾坐久月始生翕習迅颼厲杳藹微雲橫蟾魄雖  
少缺流照有餘清對此澄光迴慷慨增我情單居詠伐木端

坐懷雞鳴天道有消長所貴在持盈素娥不再駐皓質難久  
呈各勉元髮志相期共堅貞悟茲晦明理毋恃華姿榮

湘簾

珍簾清幽室攜來自楚湘含漪凝嫩碧浮彩膩流黃臥來  
秋氣閒吟到晚涼北窗攤正滑消夏夢繩牀

題金比部

德興

雲棲放牛圖

放生肇龍舒盛稱西方徒無故不宰割禮經洵有諸惟蓋不  
輕棄仁人用意殊愛物心惻惻元本君子儒文定載祿竑鴻  
筆超貞符

艾天備文定有蓮池偈文一篇

夫婦並出世分席金仙妹獨有儒

童佛請師立芟除天花作道場儒術非所須

雲棲水會陸以宣聖爲儒童佛

智珠鎮梵宇啞虎守山隅念彼服箱苦俾得長此娛砥礪雪  
山側寢訛時與俱樂育固本念因果恐近誣安溪廣惠澤遺  
法足步趨安溪李文貞于六畜悉有惠澤如牛馬衰老則別置一所養之普願胞與量推暨  
萬物蘇

次學使寶公光祿謁王文成公祠韵

眞儒命世實非常 寶翰重教俎豆光祠有御書講道

窮荒知豹隱奏勳軍府想鷹揚淵源直溯孟曾遠影響甯論

翁季長明申文定謂言致知出大學良知山孟子皆羽翼聖

眞非創立門戶朱子晚年倚蔡季通著翁季錄影響

尙疑朱仲晦文成公句也幸有辨誣先哲在紛紛異議笑蜩蟬按宗鑑固

王學爲非明高宗憲鄉東廓顧涇陽建東林講席以文成位

孟子下本朝彭南昀著王學辨誣三卷餘若孫夏峰湯潛

庵諸公無不  
崇尙王學

竹垞著書硯歌卽用集中汪舍人夢硯詩韵

今硯藏從祖六忍老

家人

六峰太史嗜奇古著書往往忘朝參自云曾到端谿上采璞  
作硯光清酣舊聞茲石世鮮兩窮經汲古誰譏譏形規井田  
方不櫛四圍挹注靈泉甘想其鍵戶勤著述百城面擁何批  
斲漱蘂寧計豐與嗇墨花千片煙雲含相攜燕晉涉閩粵香  
姜銅雀徒簞簞詔徵橐筆登蓬島開匣恣灑真汪涵吾家  
老人愛此石一鑑相購非爲貪背摹小像戴煙笠歸來猶似  
耕鋤堪

背鑄小像有竹垞著書之硯篆字

流傳於今幾十載青花蕉葉心能

諸八萬卷書曾伴汝冥搜造化施彫鑿韜華韞秀尙完好重  
之豈可輕行擔以手摩挲發精采歎息聚散煩再三細思物  
理詎可測遺縑零落人爭擗嗟此區區一方石當時染翰咄  
空談扶鳩話舊興匪淺坐久轉命開新壘思研隄糜搗繭紙  
皎皎月出蒼葭南

登橫山

際曉日初上乘流沚清漣倚棹試騁目雙峰落眼前林表木  
葉脫山青橫蒼煙亂石多欹仄古磴相鉤連有潭深莫測傳  
自蛟龍淵攀蘿愁展齒遐覽想古賢咎聞顧逋翁築臺秋草  
邊

山有顧況讀書臺

遺迹今尙在高風嗟邈然夕陽忽西墮孤鳥飛

欲還回首白雲起攜來滿歸船

謁陸宣公祠

唐室傾危日巍然再造功艱難從劍北感激泣山東道自侔  
伊說誠能軼璟崇長沙嗟一謫涕洟古今同

岳倦翁家祭銅爵

上鑄精忠報國岳珂造  
字桐鄉金北部所藏

金陀坊冷遡悲風舊物流傳紀倦翁千載英雄如此少一家  
異數與誰同按孝宗初追復武穆原官以禮祭葬訪求其後  
繫子錄用襁褓以上皆官之女少者候嫁以官  
其壻報忠之湖山難雪鐵讐恨俎豆堪酬報國忠太息稗編  
與古所未有

畱軼事摩挲銘字思無窮

岳珂著有  
金陀稗編

題家上舍策杖行吟圖

拄策娑拖境自幽湖山平遠足勾畱藥爐詩卷都清絕應是  
前身韓伯休

翠微一髮擁晴嵐破臘衝寒任獨探吟到水邊籬落句幾分  
澹月著江南

和昌黎秋懷詩韵十一首

澹坐靜塵氛階前草薺薺荏苒春夏徂流光去不已鴻雁度  
青霄蜻蛚驚人耳淒淒白露下列列夕風起欲挽羲馭回轉  
歎駒隙似嗟彼蜉蝣輩朝暮非可恃浮生雖萬類應候同一  
軌欣向各有私貪生足自喜

歲月遞推遷覽物感榮悴晚卉舒陽林候蟲樂幽地文史足

消搖琴尊自娛恣破觚誰惡圓剡崖乃忌異俗好亦何常守  
璞彌可貴

秋至發商聲操音變靡曼志士懷百憂慷慨甘蔬飯皎皎白  
璧姿落落青霞願夷猶閱古今豈爲名所勸六鷁苦退飛安  
得凌九萬縱抱宋玉愁莫效卞和獻撫琴試一彈毋令絲桐  
怨

寒疾起東北俄焉氣淒淒雖無羶致螳尙有藩集蠅趨時昧  
進退寡營泯變憎終朝坐一室結廬僅三稜慕鴻偶施繳羨  
魚或垂簪匪云謝流俗自顧無全能

明月耿清光霜風轉淒警寤言不能寐寒夜一何永感懷空



自期立志恨不猛策遠乏長鞭汲深苦短綆守拙交亦寡安  
貧竊自幸旦晝任紛紜恒喜塵事屏

涼蟬嘶高樹淒切愁寒景微風吹薄帷憑軒緬清罔定各凜  
鬢霜無爲嗟蓬梗鴻鵠倏高飛騏驎思遐騁慨想棄繻生長  
纓得自請

秋氣鳴刁調白日鑒幽暗騷人多悲傷志意徒欲憾冥心得  
靜觀燕雀紛窺瞰塵襟散風清世慮曠雲澹六載日微茫百  
家漸汜濫姱修葆令名昭著跡非暫坦途或遇坎狂波宜結  
纜消息參盈虛至理足推勘俯仰恒晏如奚必儲石甌

春芻早消歇榮華依前軒對茲意澹蕩與世忘趨奔浮雲多

變幻澄懷契無言習坎悟知止用壯懲贖前達人齊物論君  
子恥素餐寂寞視塵世閒屢青琅編甯辭富十萬安求牘三  
千泊然寡世味孰知鹹與酸偶汲讓泉飲時據槁梧眠韜采  
久彌曜莫使傷華年

秋雨復纏綿老樹無時乾隨風卷狂蕻任意屢琅玕蕙氣藹  
餘馥桂影多成團炫華物所妒擇處身始安鬱儀不返轡河  
流少停瀾濟世慚撫劍角技醜弄丸但聽迷陽曲時還息塵  
鞍

蕭颯寒氣至四壁悽烝聲靜境息紛擾虛白自生明負俗多  
世累懷古動素誠白圭恒易缺欹器在勿盈履足稟機穽守

口防舌兵抱甕意坦適豈慕簪紱榮葆真絕智巧屯泰隨所  
令

凌寒松柏姿益增園林好萬物賴春煦衆卉畏霜早驚心默  
觀化歲月空共保已覺鬢髮垂漸恐顏色槁慎勿傷遲暮始  
悔不聞道

月夜寄丁秀才 子復時在乍川

秋來離緒感無端悵望清輝夜未闌自有壯心千氣象悲將  
長劍倚巔峴霜飛古樹唳烏冷風急滄江落雁寒一曲關山  
聽幾疊遙憐躑躅九峰看

舊園古松歌

園爲明八世祖  
壽嚴公舊居

秋飈怒卷濤聲涼雲扉乍啟煙茫茫萬壑澎湃空湧起但見  
虬龍天矯蟠青蒼孤生偃蹇鬱千尺枝幹如鐵根似石掀髯  
奮鬣千層霄鱗皮崩剝苦蘚坼上來鶴鶴巢下有丹靈珀灤  
龍環匝西清陰感茲歲寒憶古符公才曠世懷經綸豈願老  
作巖阿身廟堂計議日媮情疇知曆火憂積薪紛紛門戶成  
黨禍潛慮國勢遺觀屯一官苜蓿發悲詫濟時素志何由伸  
萬歷間公爲國子博士 當年投竊稱海內名尊壇坫傾儕輩四明蒼水  
尤神交四明屠緯真蒼水沈純甫諸公交尤契北海羅罇親警欬往來裙屐互  
賡酬抵掌激昂見節槩一時吟詠抒孤忱科頭樹底共慷慨  
至今想像邈高風遺躅奇芬傳異代

明詩綜錄公詩取夥

念此閱歷滄

桑餘積垣仄磴愁赳赳緬企流輝猶未泯亟掃三徑非全蕪  
仰看截嶺誰呵護獨飽冰霜涵陽照若非大化僭嘘吹安得  
長不凋枯保歲暮吁嗟召公憩棠猶勿翦況是三百年來手  
植之嘉樹

九月四日同伯兄丁秀才

子復

從弟

遇孫

登及山作限

高字

南來山勢奔欲住

硤石諸山皆自武林來至此而止

兩峰對峙相周遭九秋

一至風景絕楓林落葉迷平臯凌晨興發幽思集招邀儔侶  
划輕舫縱目徧喜思尺近臨流頓覺胸懷豪須臾縹緲峰盡  
出叢木拔聳何櫛櫛登陟豈愁苔徑滑攀躋直似陵巨壑半

崖老樹酣霜足數聲晚磬翔鴻號丹砂點點浮藥井

山有及基洗藥

井空翠設設來松濤遠望諸峰皺螺髻

南有大小橫山煙嵐峽石東西兩山

杳藹霑衣袍眼前歷歷堪指數翕習陡起風蕭颺我懷鬱塞

忽披豁撥蘿更上及仙磬禪關乍叩驚客至推窗散矚捐塵

囂清泉一滴冰雪碎壁立突兀連厓尻道人踪跡已泯滅尙

畱片石埋蓬蒿

相傳及基尸解仙去

氣酣挈提開新釀同持三雅傾凍

醪碧玉堆盤擘山栗獨薑鳴釜擊霜螯痛飲但教其射覆沈

吟便爾先題餠坐覺慷慨多古意噓吸雲氣宜柔毫憶簪名

賢聚嘉禾登臨掇拾追風騷石壁荒寺畱題徧攜得謝屐任

游遨卽今遺迹不可識欲尋舊事心空怪我來西笑恣探勝

拖筇矯健如飛猱佳節欲至興已王仰止甯憚高復高何時  
其結小圓庵窮經師古期吾曹

送錢秀才來燕之楚南

尼父管邠詩獨不錄半楚騷賦繼風雅屈宋實鼻祖錢子卓  
犖才破浪夙矜詡忽束高閣經獨鼓蓬江艤靡燕帝子蘭芳  
菲王孫杜蘅書探石穴禹碑訪岫嶠慷慨撫古懷應追唐景  
武寄我續九編放眼杏花墅

寄汪秀才

奏雲

旅館逢秋色離懷積歲收驚塵來颯爽鳴鳥共啾啁環谷知  
通泐浮溪想隱蛟洽閭酣六籍妙悟夢三爻澀翰臨風疾龍

鵝任俗呶墨莊恒自錄藏海更頻鈔

時吳稷堂學士屬君纂錄子部書

回憶

蒼葭畔欣同一水均情深金與石訟洽漆投膠豆雨清生簞  
蕉花嫩始苞芳尊傾麴釀野蕨入山庖新格金觥邀枯枰玉  
子敲拈豪吟蟋蟀翦燭掠蠨蛸聚散原無定東西又各拋瑁  
湖尋舊里歇浦騎寒斐秔稻稱腴壤魚鰕信樂郊下帷勤著  
述握槩解談嘲細帙標牙列詩囊織錦包何時期後會重喜  
話前交惆悵空憑劍羈棲似繫匏登樓聊假日結社試觀泡  
靜夜香添燼纖林月挂梢轉憐駒伏櫪終歎燕爲巢蕭瑟增  
愁慣蹉跎漸嬾教塵機思暫息相待埽衡茅

水碓



江流澎湃鳴不息波湍急瀉爭洶洶深谿絕澗千萬派屈曲  
奔赴聽琤琮吁嗟乾始美利利天下

前人易說云此即天一生水也

居人擅

之能使休三農增隄築防高下結茅屋貼岸置輪當其衝輻  
有三十軸有咫列貫橫木柯交蓋砵磅激輪機自轉一俛一  
仰頻撞擠安排五區十區好轟厖殷地無秋冬掃紙看萬疊  
舂米兼千鍾霏霏落雪秕糠盡靜靜急鼓簣篳重古聖斲木  
掘地取小過務令百骨九竅勤衡縱後世紛紛日機巧奇技  
能役萬怪奔走千夫備筒車輓轡資灌溉礮礪都以湍流供  
我聞西北泉源常漫湧陂塘溝澮皆堪從導河引泉可以通  
沮洳負山控海可以均租庸何至連阡萑葦紛茸茸斥鹵漸

看成沃野百室羣頌崇如墉俾納稔秬儲倉庾一省東南民  
力臚歡棕卽如此器何便利旋斡造化驚愚憇智者創物巧  
者述非使黎庶不必勞心胸涓滴之水棄可惜但願西北水  
利足灌禾稌穰

題顧上舍山居讀書圖

梧谿文獻地卓犖推逋翁讀書按靈威古臺高龍嵒抗懷企  
往哲披圖耿家風佛髻分大小碧雲窅空濛吟偈飢蛟舞徑  
絕啞虎蹤孤煙發秋磬金波漏疏松幽樓意彌暢探討情何  
窮相期闢精舍一編與君同

梅信同朱秀才

鼎爵作

特傳芳訊到谿濱幾處園丁報主人野店已聞前夜雪疏籬  
重訪舊時春枝頭翠羽來窺早嶺畔煙筇欲到頻喜得東風  
消息至好攜吟侶問佳辰

寒夜丁秀才

子復

過息游艸堂對雪用東坡聚星堂韵

寒風淅瀝響枯葉艸堂寂靜晝飛雪老梅將吐枝橫斜紛紜  
亂舞鳥聲絕卷簾但覺同雲稠倚檻翻慮孤松折空庭驟積  
搖銀海寒燈相對澹欲滅俄驚泥爪又歲闌共歎流光如電  
掣芳尊試注浮翠濤醉面頓教生紅纈夜深竹屋吟苦冷爐  
圍獸炭談霏屑故人將辭東海去聚散眞似風花瞥踟躕爲  
念行路艱空畱白眼愁誰說起看月出光有無笑指前峰露

青鐵

偕三從叔訪梅南園作

舊徑苔荒歷歷深  
林屐到遲遲春  
信乍傳消息橫  
斜竹外一枝

翠羽忽來樹底白  
雲微護窗前  
如此疏花幾點  
爲誰開落年

最是春前雪後偏  
愁積雨重陰回  
憶當年谿主花  
閒幾度沈吟

半畝芳園纔啟小  
橋流水初融惆  
悵疏籬寂寞攜  
筇來問春風

校經廬文集卷一

校經廬文藁卷第二

嘉興李富孫既訪

人日同伯兄從弟

遇孫作

人日逢初霽元關報好春挑來生菜美翦處綵旛新暖喜開  
家宴喧傳賽社神草堂梅信乍歡洽此佳辰

猶憶當年事詩脾手澤餘分箋歌棣萼曬藥檢方書

時余方病起

臘釀香浮螳春盤嫩簇蔬光風今歲早杖屨樂相於

贈許秀才

禹成

用昌黎贈張籍韻

叔重稱洽聞讀書具隻眼元關抱丹鉛馬帳削竹簡淵原紹  
高曾廩廩踰防限揭來偕丁寬訪君先面赦懸河寫不停紛

綸畫几版星宿羅爲胸圭臬試以箴迴軍難角逐遼道競笑  
莞飲君上池泉涸此三坑產餘技擅倦翁珞琢自披揀扶搖  
與天交虛中盡貫弗放眼朋儕中君誠陵巉巖衿契分相投  
縞紵欣共綰東海武庫才謂敬齋徐先生刺手勤編刻宅相分餘光  
崢嶸絕劍棧翳余薄劣姿六籍昧瑟僊蘭佩歎未紉斑豹亦  
徒嚮韶光轉陽和深林聽曉曉橫掃三寸豪何必耕灞澗

社日

多半春光去不回數番花信暖風催蕭蕭幾點社公雨又見  
斜陽燕子來

贈葛秀才

雄圖

讀書吳山精舍

之子不相識吳山欣乍逢爲言萬卷癖獨住一枝峰盤澗鳴  
泉響層松積翠重何時脫羈勒同聽白雲鐘

登吳山頂

吳根削得翠芙蓉特踞雄城俯衆峰滄海晝晴懸日月之江  
春暖變魚龍遠看鱗鱖千家瓦倒聽濤奔萬壑松回望西湖  
好煙景依然陌上百花濃

謁于忠肅公祠

宋室盟和議狼山北狩時宗祊愁失墜元老鎮安危社稷英  
謀定乾坤隻手持忠誠甘鼎鑊灑涕撫殘碑

菜花魚歌



郊原罨畫煙模糊芳菲滿目黃雲鋪橫塘春漲拍隄岸纖鱗  
鱗鱗紛噉喁漁師理釣重結網鳴榔撥櫓喧汀蒲朝來筠簍  
都入市攜看仿佛紅鰓鱸芹泥乍抽貓頭筍曲渚漸茁青茸  
蕒銀絲切鱠韭新碧入饌轉憶三泖無前年有客來淞水驗  
取巨口含胡盧凝脂雪色稱最美未若此魚更肥腴下箸冷  
笑張季鷹秋風始念歸三吳豈如吾鄉景物好春暖便得饒  
山廚閒園細雨花盛放迷空萬綠聽提壺蠟頭一甕試嘉釀  
凍醪百末爭騰觚香萼此時亦已滑俊味孰勝鴛鴦湖應譜  
食經箋地志倩人重繪漁村圖

指月庵坐雨分賦

梅子黃時細雨絲上方展滿破苔痕卷簾眺盡煙中樹綠到  
前谿第幾村

載酒攜琴叩佛龕石闌點筆共深談分明一幅巨然畫卻好  
拈花作小參

五月十四夜丁秀才子復伯兄從弟遇孫山房翫月同  
作

素月澹於水老樹橫蒼煙艸堂屏塵翳夜靜相招延掩映衆  
星碎杳靄遠嶂連勝序積愁豁論古俗思捐夙志耽墳籍瑟  
調慚鑽研紛綸證疑義述作懷前賢既樂景色幽復愛朋儕  
聯興極忘側帽歌高贗響泉名水徵陸羽劇談慕康駢對茲

瓊娥影慨慷思當年老輩擅嘉詠裙屐時周旋窺奇抉寶奧  
刺手工彫鏤風流歎已邈芬澤欣猶傳數子本同調分戶吟  
長箋拔劍欲斫地奮翼思冲天會合恒不易孤抱誰與宣清  
輝彌可葆皓潔共勉旃

六月十二夜雨後對月寄伯兄作

旅舍連朝苦暑蒸今宵涼雨爽纔增溼雲卷盡冰輪湧宿露  
消空碧宇澄差喜紅鱗來遠道是日接家大人札轉憐白髮傍明燈  
念大母也清光萬里應同照試上吳山第幾層

讀國初諸公文集成斷句十二首

侯生才思鬱縱橫下筆千言坐客驚一代董狐誰得並金陵

歌管不勝情

朝宗置酒金陵戟手罵阮大鉞越五年而禍作

老去聲名海內推江關漂泊實堪哀談諧最是琵琶傳人說

侯王一派來

于一湯琵琶傳與朝宗馬伶傳相似

載書驢背去鄉關顧

亭李天生

蜚聲伯仲閒字字淵源根六籍

不沿宋學迴難攀

寧都伯季各翩翩叔子文章力更堅論策固知旨趨在二蘇

才筆故堪傳

溫柔本得風人旨當世論文數宛陵講學湖西稱佛子不知

儒者立言能

蚤歲聲名薄草元

先徵士公題鮑翁類藁句

玉遮碑版繼前賢由來三禮

編摩久不僅源流自震川

少年負氣自懷奇五論籌南志足悲記得筠廊最知己長嗟

無命入宏詞

待詔承明禮數殊

西溟以布衣薦入史館

暮年風節轉欬歔文章聲譽

馳江表驂靳都從長短書

青門老圃趣誰同高曠何如笠澤翁刻意爲文外聲利淋漓

奄有大家風

擬注歐陽手一編豪游燕晉訪山川遺文嗟已飄零盡剩有

韓昌傳幾篇

文章爾雅接斯人碧玉清流迴絕倫若向侯王共角逐那能

挾矢望前塵

顧亭林謂竹垞文在于一朝宗之上未爲定論也

東馬紛紛已莫論  
遺編幸得溯岷源  
當年若箇先呼李  
祇有傾心鈍老存

靜夜思

靜夜氣肅天宇涼  
庭前白露霑衣裳  
明河斜映雲微茫  
仰看圓月流輝光  
吟蛩淒切愁人腸  
誰家寒閨響刀尺  
四處繁砧聽擣帛

秋夜雨後見月

雨過涼月出照我半牀明  
雲影飄猶溼山容洗更清  
夜深煙露滴人靜草蟲鳴  
局促愁蝸舍鄉園夢未成

擘黃柑戲爲長句用東坡初食荔支韵

青林幾樹曉。壺盧枝葉不畏凌霜枯。滿園磊砢看黃膩。豈與  
橙榛名齊驅。肌理細瑩金綺繡。三寸剖出冰雪膚。有客貽我  
蠟封樽。翦盡寒碧愁。吳姝建春佳種。堪比無香氣。馥郁歆庭  
隅。傳來自異新。橘酢擘後更覺包柚麤。十分風味饒瓊液。入  
手變數如隋珠。臘甕初開試新釀。春盤待薦同甘腴。一尊還  
憶米顛老。破玉作鱸烹。江鱸何時移家洞庭去。千頭種徧無  
他圖。

哭從叔祖六十韵

黯慘吳山頂。羈棲浙水隅。暮雲淒欲斷。落日莽將徂。族望摧

梁棟東山憶楷模懷才原不世講學自非迂奏賦來行殿

常關棄合繻包羅經緯象步武漢唐儒共喜賢良擢交推國

士無搏扶思健翮馳騁想康衢豈謂題璫後翻教出宰須琴

鳴郎邑靜澤並漢江敷宵第能馴雉還堪比治蒲興謠傳五

袴飛鳥得雙鳬孝婦陂重獎郎邑有孝婦爲請旌立碑并給予陂田青蓮旱不

枯鑿青蓮池以利民吳學使省欽有記絃歌隨處徧撫字十年殊腰折雖因米

秋深遠憶鱸挂冠旋去楚投効獨歸吳一曲新灣水三弓舊

芋區栽花成晚計種秫釀清醕帶草紛瑤砌蒼葭侶釣徒自晚

號葭灣網搜尋古洞著述老長蘆博極諸家窟掩通衆說郭

淵深探賈鄭外誤訂程朱道溯韓王統著道統論以昌黎文成接孔孟之後枝



芟邵蔡蕪義父專學孔魯史悉糾胡雅義窺箋傳亡篇信典

謨著有周易類學編毛詩無邪訓尚書復古編春秋明微等書丹鉛盈縹帙甲乙滿籤厨

別派從源斥微言更力扶折衷歸正大閑設削毛膚詎肯空

談尙端期實行孚梓桑責任卹遐邇獲沾濡利施仁人溥春

涵物類里中多創善舉至今行之濟時眞莫及樂善逸難逾暇作者英

會筵開主客圖嘗邀故舊爲五老會芬芳飄綠蕙爛漫坼紅芙野菽寧

瓜圃香醅寫鴈壺晴窗明水蠟晚飯煮雕菰選格人宜臥分

曹月正鋪襟題歌變轉柳躡錦璫巡匝頻移席更番或據

梧良因容嘯傲豈必待招呼小子橫經日平泉負劍趨披瀾

親指畫破輿輅牽拘五際傾筐度三才引輓轡論文嗤晉宋

說賦隘京都羣從門風在雍容絳帳俱舞雩春載詠譚蓺日  
踰晡逸興欵桐帽高吟試竹爐紛綸同抱漿慷慨各操觚短  
靳胥驂杜偏師欲搗蘇一庭恒繾綣四載最歡娛雨散情何  
限蓬飄意轉辜修名漸未立旅思積多紆搔首憑長鋏雕蟲  
悔壯夫閒愁憎疊嶂離緒怯嘯鳥正想加餐健何緣噩夢符  
繙書珍點竄檢札寶珣玕舊藁應畱篋元亨莫問途炙雞空  
躑躅齋鏡復踟躕鄰笛淒涼恨宵燈掩映孤西州奚待返灑  
涕向明湖

長至日雪用東坡雪後書北臺壁二首韵

悶坐連朝細雨纖垂簾轉怯朔風嚴乍看嶺樹寒添萼翻訝

葭灰撒作鹽煙笠半江撐釣艇枯蕉滿院響窗簷天涯此日  
愁多少幾度沈吟禿兔尖

西陵城上噪寒鴉狼駿山頭轉日車風急滄江低雁影夢迴  
谿舍繞梅花宮中添線重吟絮客裏衙盃數憶家惆悵佳辰  
仍廡下聊炊松火手頻叉

後四日又雪再疊前韵

窗前松檜壓枯纖寒氣森森閉戶嚴昨日梁園多授簡今朝  
茅舍又吟鹽微風淅瀝聽連夜碎玉玲瓏急寫檐擬學歐蘇  
麈白戰鈍根輪與舌鋒尖

炙硯呵豪塗似雅偶然問字有停車龍公初試逾三日天女

重教散六花作客恒穿東郭屐跨驢先覓酒人家明朝更上  
吳山望一幅襄陽挂畫幃

初七日復大雪三疊前韵

手試都籃雀舌纖未除門徑禮華嚴終朝坐撥通紅火倦客  
愁聽阿鵲鹽雲凍尙看堆小院風饕又任打斜檐模糊一片  
連吳岫不見修眉露翠尖

寒雲壓竹靜昏雅深巷無人到麴車林際疏枝堪插帽江邊  
枯樹盡飛花豐呈盈尺聞農叟宴侍連宵憶謝家有感從叔祖也  
是羊何舊侶在酒錢挑取老坡父

擬謝靈運於南山往北山經湖中瞻眺一首

南嶺鬱峩北崖聳奇峭凌晨發遐思弭楫事幽眺洲渚互  
參差雲霞相照耀谿響寫清泉波影涵遠嶠逝流通百川靜  
籟和萬竅縱觀物理微默悟化機妙春草長丰茸碧樹環  
窈窕深游魚潛林密鳴禽繞品彙旣昭宣動息咸感召撫景  
惜孤遊賞心罕同調眷戀愜素懷俛仰獨舒嘯

春日同劉上舍

潛

朱秀才

鼎爵

游韜光作

西山高出鬱嶺嵌聳倚青冥翠壁攬仄徑千盤靈霧雨叢篁  
十里閒松杉疏鐘隱隱深林度清澗泠泠斲竹銜  
山僧多戲竹筒引泉  
水有約茅亭同縛箇裏纊眞欲臥雲巖

題褚明經

維均

添香夜讀圖

攤書倚虛幌夜靜悄無言不覺露華重但教香篆溫美人夏  
仙佩涼月浸前軒祇恐羅衣薄更深換幾番

郡城河道久淤郡伯伊公悉爲疏濬詩以紀之

由拳古澤國谷水滙諸湖鴛鴦東西合郭外通沮洳寶帶連  
錦帶環繞相縈紆傾脂自爲水天星亦成瀦源硤流至潏一  
城實盤盪舊迹日湮沒故道已填淤兩岸多占隘跨閭亘梁  
欂舟楫阻往來居民愁旱枯吏治耽苟且誰能宏遠謨幸遇  
賢太守濟世萬卷書下車親周覽壅塞務決疏圖經及地志  
稽攷皆不誣捐廉具畚鍤勿使勞耕鋤濬治不匝月宣導復  
往初嘔啞通橋櫓汲漑周市閭從看渡河虎更來合浦珠委

輸靡有竭澤洽數世餘余少讀班志溝洫思前模秦中得饒  
沃惟賴鄭白渠史起引漳流西豹富鄴都苟有開濟心水利  
可忽諸欽公溢世才匡時民氣蘇支派相洄注遠近欣沾濡  
蓄洩惠旣溥兼可推菑畲偉績繼趙劉治行軼佟吳安得守  
土者盡法公良圖

贈吳明經

文溥

翩翩戎幕佐奇謀萬里歸來未白頭海內羣推一名士座中  
傾動五諸侯

君曾客畢制府奎將  
軍徐惠汪三中丞幕

揚鞭橫槊胸尤壯抵掌銜

杯興更適恰喜息機共還往南湖煙月晚涼秋

重構曝書亭落成紀事呈學使阮公

元

五十四韵

當代儒林盛羣稱梓里賢傳家由故相應 詔列神仙杜庫

兼包孕舊倉悉貫穿牙籤儲八萬琴譜錄三千 禁苑投簪

去香茅結屋偏購藏堪暴蠹

先生每得精本必手印購此書甚不易願子孫勿輕棄圖章於

首作述正歸田額捧

奎章燦

聖祖時南巡題邀賜研經博物園額

御翰宣

高宗特御製排律冠經義考之首

斯文推正系大雅孰隨肩遺著

垂千載流風溯百年一亭嗟蔓艸三徑惜荒煙星使欽嵩嶽

淵源接後先

公倡捐重構

漢唐追碩學許鄭得真詮汲古深涵海

挈經力障川

使院有經室

玉壺冰皎皎春月柳娟娟浙水宏陶鑄

英才沐化甄采詩情繼繼

公方輶兩浙輯軒錄

訪舊意勤拳爲憶金風



長重詢往日椽橈蕪應慨息蒿沒更愁牽殯址誰經始清廉

獨倡捐羣公咸節俸

自中丞玉公以下各捐廉庀材

佳話喜成編

遠近皆賦詩紀事

太守鴻猷擅南陽治行全為材親會計拓地助緡錢

亭址已易他姓

郡伯伊公更為捐俸取贖

蹟自誅茅見功因伐石堅

時以石作柱

規模仍管制

結構俯清漣

亭在荷花池之南

既藉芝為橈還將蕙作檣桐階當月

底蘭砌倚風前巖露栽青桂

桐階同心蘭砌青桂巖皆亭畔景名

池潏漾碧蓮

翠筠移岸側繡鴨隱灘邊

繡鴨灘在亭之東

岡記名橙子

橙子岡在北垵之西

坊空號釣船

池上有釣船坊

芊陂晴潏潏

芊陂在亭東南

槐汴水潺湲

槐汴在亭

之靜志居尤寂抽帆步亦便

抽帆步池上景名

茶煙斜繞竹

茶煙閣在亭西

松黛欲參天醞舫梧空落羅浮蝶轉妍

此西有羅浮蝴蝶局

芭蕉長滴

雨楊柳早吹絲門巷蜂鬢暖芭籬鹿眼圓六峰看好在六峰名

一箇故依然園小人爭慕堂開景共延畫圖洵似矣先生有竹垞諸

圖位置豈殊焉遙想招吟侶頻過對酒筵往來同塵話歌詠

每蟬聯秋水甯修阻蒼葭屢涕沿先徵士秋錦公所居扶輪

商古調翦燭和鳴絃南北垞分占東西瀼接連孫嚴濡筆健

竹垞二字孫退谷所題周簣沈進伴花眠側帽量晴雨攜筇

暴書亭額爲嚴秋水筆周越陌阡從知歸領裏不僅憩林泉老輩思何邈高蹤近與傳

維持端有賴興感詎無緣鳥語聲還樂花枝笑欲頤短牆圍

薜荔餘畝長蓀荃未覺音徽沫何嫌歲月遷乘輶欣涖止整

屐快周旋落成之日公偕郡伯至亭中勝事誠堪記新詞試並鐫公和百字令二

闕郡伯記文  
俱鑱柱石  
豈徒鄉曲士共仰日星懸

秋日同吳明經文溥伊公子鍾昌游西湖卽事

隔年夢想南屏路今日復興興不孤千載忠臣雙少保萬山  
靈氣一西湖攀蘿卻喜詩翁健聯袂還期公子俱幾處水田  
看早穫濛濛煙靄暝歸途

謝方伯啟昆見贈近集西魏書賦謝二首

八軹吟舫拓明窗公有入軹書舫齋退食含豪關酒釀自咎風流傳

太傅由來詩派屬西江鴻文似錦霞初散健筆如椽鼎可扛  
海內何人追嬋雅紛紛那不令心降

彥深舊史已無傳孰與重操筆削權特係太和西廡日爲吟

孝武僭稱年正名定分執君實謹例嚴凡接馬過不獨遠文  
堪補闕千秋公論賴斯編

應泉頂觀日出歌

東南澤國橫神山迤邐綿亘無涯垠鴻臚之頂勢崢嶸但見  
衆峰羅列如兒孫秋來木葉脫嶄然露孱顏獅頭巖接九曲  
逕天風蓬勃雄躋攀披衣振策凌絕磴日極巨浸連鸞環惟  
茲十月逢合朔黃白同度氏角間歸墟掣洩晨光動熒微倒  
影扶桑瞰哉生一魄但隱見空中摩盪蛟龍淵須臾紅霞衝  
萬丈精光迸出白玉盤晝然劈開烏與兔波濤洶湧跳雙丸  
銀瀾沈璧彩雪浪翻金盆玉樹琪花互掩映蓬壺瑤闕紛煙

煨參差島嶼散奇綺目之所注移神魂何須訪秦岱躡崇巒  
登日觀窺天門卽此海嶠臨湯谷已覺波雲燦爛上下相吐  
吞嗟彼祖龍思東渡射蛟鞭石心煩冤浮天浩淼不可至沙  
中一柱徒空存若木枝拂神仙窟憑高遐矚稱奇觀天雞三  
號旦復旦飽看羲和策馭山之巔

送吳明經文溥之維揚

底事柴荆掩南野回看花月笑東津揚州自管狂歌地同調  
重尋載酒人賀監才名傾一世牧之豪放憶三春須知拋卻  
鄉園好薄倖由來算是真

題二從叔秋江歸棹圖

相思不相見渺渺動離愁木葉天邊下西風江上秋煙波吹  
鐵笛明月倚孤舟正喜蒹葭畔歸來話舊游

烏棲曲

城上烏棲月舒波吳王宮中豔綺羅西施歌舞張歡宴夜漏  
迢迢緩銀箭

雀飛多

雀飛多羣噪官倉好飢啄白粒日求飽長養子孫計亦巧豈  
知鴻鵠凌風翔冥冥不爲謀稻粱爾慎鼓翅勿貪食棲屋爭  
枝徒啾唧縱畏鷹鵠偶避之乃有羅者張羅弋人弋

雪晴

寒窗驚曉色起看雪初晴幾樹梅花落一谿春水生庭前滋  
綠艸簾外試鶯聲最是南湖畔風光攬客情

懷伯兄在吳門

各拋谿上月襪被又行行一夜池塘夢不知春艸生梅花元  
墓雪楊柳館娃城坐聽南樓笛相思空復情

春日病足自慰作

九十日春不可留自憐負殼之蝸牛經旬苦類習鑿齒賣菜  
空遇韓伯休暖風花香撲鼻觀晴宮鳥語消羈愁海棠將放  
牡丹坼重擬一權南湖樓

訪吳明經

文傳

不值

岱雲攜酒裏春晚喜言歸

時君從山左歸

出郭沿莎徑穿林問竹扉

邨前流水遠谿畔落花稀不見艸堂叟悵然對夕暉

郡伯伊公招與修郡志呈同局諸君

語鄉舊事問誰諳許得編摩共討探三月煙花春欲盡半窗  
風雨夢初酣遠徵文獻憑銀管重補圖經別白蟬更喜苔岑  
聯勝侶百年掌故續閒談

送趙殿撰

文楷

李舍人

鼎元

冊封琉球國王詩百韵

盛治恢無外車書達八埏

虞廷方受籙

軒后正乘乾舞羽



皇威遠敷文

帝德宣神靈揚日域聲教訖瀛壖烏弋咸修貢雕題益慕輶  
外藩扶老穉荒服靜戈鋌遐邇輸誠久梯航向化堅來賓猶  
恐後重譯共爭先屬國傾心附球陽效順虔稟正原世世通  
道總年年月候三山近風占萬里便獻琛倂沓至納賚舳遙  
連古未歸圖籙今纔廣幅員波羅封乍襲姑米勢甯屏進表  
求 恩逮陳情冀祚縣俞哉重降

敕咨爾尙需賢選以儒臣貴榮因 冊命懸千官皆肅穆四  
署更蹕蹕策使行齊制 臨軒意自奉

累朝鉅典在一品寵儀專充國矜華胄鴻才沐 化甄無雙

推著作第一削神仙籙筆趨彤陛鳴珂上木天位原稱內  
相象已協星躔綺宴資開帕雲均日視輒黃麻文蔚若蒼璧  
佩鏗然禁近諭思切華清侍從聯退朝頒綵錦歸院  
徹金蓮綿竹家聲遠詞宗供奉妍香名知早飲綸誥職無  
愆分艸千言擬含葩五字傳掖垣憑出納瑱闥任迴旋令望  
瞻清要澄懷契妙詮紫薇翻繡幄紅藥映蠻牋每預中樞事  
常廣曲讌篇湧泉成欬唾新樣洗朱鉛兩美看攜手崇班快  
比肩儀蒙鑒仗半函奉錦題全慷慨偕紫轡飛揚並著鞭  
旌旄飄颻纏車轂走喧闐金勒光何耀麟袍色愈鮮猩猩披  
織罽燦燦跨花鞵便絕江淮道從踰嶺嶠巔挂颿閩越鼓

舵福還泉洶涌波彌黑噴騰勢轉顛梅花紛賈舶彭島接樓  
船瓊蚌沙吹燄驪龍夜吐涎望洋驚掣洩落際賊回漩忽見  
江妃笑虛凝海若眠鯨鬣飛疊浪魚目睽重淵風定星長朗  
潮平月正圓天神終擁護槎使獨泅沿七日程堪計中山指  
更遶士民欣欲覩君長喜相褰率部偕迎矣承筐共勞焉道  
旁旂蓂蓂郊外鼓鼙鼙筍笠縫偏細蕉衫舞自翩飲惟同突  
厥俗本異先零岸夾叢筠直藤枯鬬鏤纏佛桑襪爛漫果藥  
鬱蔥芊亦有禾秣黍九饒梓枯梗桐重環以水畝少闢爲田  
嶺表風差似荆南氣不偏盈虧知節序榮落識璣璿俊彥新  
歌誦黌宮習管絃衣冠都整麗文物也便娟宣

諭當庭際陳書立殿前錦囊輝縹碧

寶翰閃金鈿

醴澤流黿嶼深仁洽羣甞懷方膏倍渥感義

涕翻漣小大俱歡躍臣工各勉旃頌功難縷述告廟試磨鐫  
端變賓廷靜剛逢上客延杭香羅雪枕蟻綠泛珠筵瑤柱洵  
稱美佳酥肯棄捐諸羹添土物豆實進肴邊縱覺遐陬異甯  
爲別慮牽謳謠良可采景色劇堪憐高館時多暇炎天暑欲  
蠲聯吟依蠟板得句壓金莖酣唱消長晝雄談悟夙緣氣原  
吞八九簡已削三千飾佩刀逾炯探幽展屢穿諏諮諸禮俗  
沿革紀山川裴秀觀如掌桑欽筆似椽參稽按舊志著錄續  
新編蕞莢頻凋葉蟾蜍幾易弦星軺重少駐簪節恰言還僊

校經廣文彙卷第二  
侶同移指蓬壺復扣舷定鍼仍穩渡健席莫憂煎胸有馮唐  
策度無陸賈錢心方厘

北闕服又應三鱣報績

天顏喜酬庸異數駢圖成看破浪名合上凌煙柱石翔鸞鳳  
嚴廊重淑暄佇瞻勲懋著預想秩超遷台階連辰極卿雲捧  
日邊皇華爭掩映那不羨張騫

校經廣文彙卷第二

校經廬文彙卷第三

嘉興李富孫旣訪

題劉松年南宋中興四將圖

我聞光武崛起炎漢昌恢復舊土成金湯二十八將應削宿  
一一圖繪南宮旁宋時偏安稱四將轉鬪中原氣愈壯韓岳  
張劉各立功忠姦難並凌煙上兜鍪誰寫諸將顏乃是當時  
畫院丹青傳貌得英姿倍奮怒儼若臨敵揮戈鋌太尉目豎  
光炯炯轉睛不避刀鋒穎廣穎高準張伯英于思惜用鑄神  
鼎斲王鬚鬚微有髭鄂王廣額豐兩頤毛髮凜冽靈威在想  
見二王酣戰沙場時陰風拂絹來颭颭髣髴麾下精兵百萬

合所恨二將終參商未隨勳力隳帝業燕雲一表人皆驚指  
日蕩掃河洛清痛飲黃龍雪讐恥奚難唾手還汴京嗚呼小  
朝廷何真孱闇忍棄神州忘嘗膽枋任姦相罷諸軍甯計兩  
宮心惻慘和議既定甘稱臣反以金綰歲歲酬敵人有將騎  
驢號居士三字冤獄尤莫伸長城自壞復誰咎半壁江山豈  
能久嗟哉中興之氣已銷沈生綃儀象識妙手此圖早進  
明光宮朱標姓氏重錦蒙至今閱歷兵燹後就中猶見眞英  
雄暗門劉生寓深意須眉異狀工摹擬君不見千載褒誅有  
至公請論諸將功罪憑青史

夕陽

薄暮蒼煙藹碧空斜暉迴照萬山同雲容漸斂添餘綺霽宇  
遙開帶晚虹一徑人行芳草綠半竿風颺酒帘紅憑看影落  
澄江闊歷亂歸帆在畫中

平蕪一片似溫墩有客愁添落照痕花塢春殘還滿地畫橋  
人去易銷魂數聲鐘磬雲中寺幾處牛羊嶺上邨應爲晚晴  
倍珍重莫嫌時節近黃昏

江邨掩映接平沙染得谿山澹暮霞古岸一鞭才繫馬空林  
別樹欲棲鴉河梁話別情尤戀城角聲催影正斜客有荆扉  
猶未掩移時暝色悵天涯

漫說桑榆景已非亭臺多少偕餘暉蒼茫雲樹人猶遠澹泞



江天鳥獨飛。網曬漁舟雙。緊疾塢明古寺。一僧歸高樓。何處吹殘笛。無限心情對夕霏。

九日登審山用昌黎韵

秋洗山色佳。曉際天雞弄。雖已霜華加。未苦水波凍。挹筇大夏。搯蠟展中散。用一髮指雙峰。不速數子從。吟裏遠近聯。碧酒清濁共。側帽清飈吹。題餽新句送。黃花澹幽香。疏雨響枯葑。念茲良辰合。遂使游情縱。禮梵暫棲遲。踏葉憎倥偬。籬下倒急觴。滿林寒露重。

寄和二從叔歲暮途中作韵

閒殺梅花夢未成。谿頭惆悵太憨生。著書莫歎長窮賤。賣藥

空勞隱姓名江上雲山消客酒途中雨雪滿關城題襟尙憶  
淮南路其奈天涯歲月更

立春日武林道中聯句

東風先到武林船恰喜佳辰雨霽天山嶺漸消春日雪旗槍  
親識寶幢泉富孫花塍舊徑邀雙屐火樹今宵又一年最是  
六橋還往便槎頭載得月華圓李穀

渡揚子江

嶠江洶涌從西來奔騰萬里喧如雷古稱天塹限南北鐵鎖  
橫亘洶雄哉有時黑風翻巨浪潮頭矗空駭異狀江豚吹沫  
魚氣腥蛟龍怒吼勢尤壯揭來京口天正晴煙雲乍捲波光

平舟人捩舵亟解纜紅舲牽渡風颿輕海門咫尺渺無際  
檣出沒洪濤裏但看吳楚鬱蒼蒼祇覺混沌走一氣就中窮  
宛浮玉山金碧倒映江心間顛風不作鈴不語斲霞魚尾照  
屏顏我欲泊舟攜茶具試取中冷繙舊譜江神特許惠好風  
須臾直抵瓜洲渡

漂母祠

由來人易困泥塗一飯千秋得再無但恐不逢蕭主掾鄉兒  
終笑是亡徒

徐州道中

楚漢爭何處春風驛路長舊傳徐子國近接沛公鄉枯草連

天白飛沙卷地黃齊州煙數點一望鬱蒼蒼

晚渡汾河

旅店雞催曉披衣夢未醒霜風寒峭峭沙水暗冥冥樹落五  
更月波沈千點星呼船牽馬渡前路問津亭

趙北口

暫脫征驂暮角催窓窓鞭影趙州來連天綠草春歸岸際眼  
黃沙雪捲堆易水風寒通衛水叢臺蕪沒接燕臺最憐鮮鯽  
低無價笑指青帘撥凍醅

夏日錢郎中

楷

招寓藤花書屋

長安六月苦炎暑主人相對話鄉關紫藤垂架陰疏密翠羽

繞樹聲絲蠻須移竿竹潭柘寺已帖竿石大房山水晶簾子  
當永日芳霽坐我清涼間

送錢郎中扈獵木蘭兼以畱別

塞垣八月草凋枯禮始秋田

命選徒

時

駕初幸木蘭

上車

華省詞

臣曾扈

蹕樞廷仙吏又彎弧黃沙木葉盤雕鶚白日寒煙

走兔狐定識據鞍吟彩筆豈如司馬說虛無

羈棲幸許到平津滿架藤陰語最親歷阪自慚輪逸足賦材  
終歎伍勞薪天涯遲暮憐芳草馬首新涼動客麾此日蘆溝  
橋畔去依依回望朔雲頻

自潞河達天津見飛蝗滿野感賦

自古報祭典攸崇迎貓及虎兼防庸昆蟲無作水歸壑史書  
大有年屢豐往歲畿輔淫潦發驟挾河漲騰蛟宮時永定河亦泛溢  
漫溢州縣七十餘沈弱幾與昏墊同帆檣出沒車馬路汜濫  
無際波濤風

天子惻然念黎庶亟命振卹開隄工凍衣餒食復蘇息億  
萬得免填溝中今聞蜚蝗又入境薨薨數萬來齊東我經潞  
河道津口忽見四野飛滿空螟螣蝻賊雖天降秉畀須仗田  
祖功蚺蚡胡爲翻廟祀要使無害禾稂種卽今報祭禮已廢  
年年徒爾祈天宗漫塘有神如可禱南宋劉漫塘爲曷爲賢蝗神俗稱莽將  
宰吞之蟲

舟中夜月

暗滌洄湍急篙師苦逆流一河沙月白兩岸草蟲秋煙渚誰  
人語笛聲何處舟蕭條今夜客最繫故園愁

中秋對月

去年此夕西湖濱今年放酒交河濤秋風飛來一聲笛沙濤  
月湧光如銀山中桂樹隔消息猛憶故園空擊楫纖雲卷盡  
天宇清冷露無聲衣裳溼

過臨清閘

汶水從南來滔滔流不已聞以十餘閘水勢平如砥濤沱一  
大川名自藏方始濁漳出上黨發源本長子衆派相洄漩趨

海迅如駛所惜京畿南沽淀紛可紀世無徐孺東對客談路  
水年年事輓輸誰爲議國是

舟中讀蘇詩感賦

鈍根那許學坡仙爲笑迂疏獨惡圓求水山頭空掘井刮毛  
龜背幾成甍雪霜雖未尋雙鬢道路又將了一年惟有公詩  
伴幽絕孤舟觸緒夜無眠

晚過壽張驛

古驛臨津口飛沙兩岸平西風吹木葉冷露咽蛩聲綠草經  
秋澹紅霞向晚明半飄斜照裏一抹遠山橫

九月五日過安山閘作



路入青齊待聞開百夫尙復苦沿洄綠楊夾岸秋垂雨白葦  
連邨絮作堆往事已隨鷗夢去孤舟還帶雁聲來沈吟此際  
鄉園好紫蟹紅菱寫舊醅

九日濟寧作

每逢佳節轉淒其幾載天涯慰客思今日登高虛望岱孤舟  
小泊試尋碑濟寧州學有漢碑五沈吟葉脫山空處遠憶橙黃菊綠時  
底事風塵苦奔走飄蕭但恐鬢成絲

擬吳越王射潮歸賓僚獻詩一首

君王爭霸本英雄犀弩三千氣貫虹白馬銀濤迴種墓江妃  
海若隱蛟宮潮平日月中天景隄障東南半壁功不獨錦衣

歸足羨玉符鐵券更誰同

擬吳越王宮人自陌上歸車中書見一首

深宮春思陌頭縈今日歸容緩緩行兩岸鶯花勞夢想一隄  
風絮泥人情香車畫舫爭來往芳草斜陽管送迎好語君千  
無限景江山長喜錦衣榮

曉渡曹娥江

一夜烏篷雨朝來喜暫晴水雲江上走春草渡頭生日出曉  
煙散山深林鳥鳴遺碑重拂拭醞酒鬱縱橫

梁湖舟中

纔渡曹江一棹輕青山兩岸鏡中行煙花未晚因春閨風雪

曾來入夢驚得酒易醒無酒悶放船便雨泊船晴天公若有  
憐人意何事飄蓬攪客情

偕黃孝廉

徵義

周孝廉

慶雲

葛秀才

漢

過范氏天一閣

自營香廚富細帙聞道四明推第一舊披著目心怦然蒐羅  
不讓劉略七近游重訪甬江東春晚芍藥開芳叢冒雨相邀  
出山郭巋然傑構撐青空前浚深池漾半壁中倚一峰插天  
碧西湖文瀾閣相傳仿此營構四面帖石爭玲瓏古木新陰綠映席香芸  
馥郁升梯枕月湖照檻浮波光試啟籤函眞眼福錦譚玉軸  
紛琳瑯置身髣髴蓬觀上祕冊未見人間藏太乙吹藜應駭  
愕奚論鄴架兼曹倉書城鉅觀邀

睿賞

高宗皇帝有書城鉅觀人間罕觀繪音

親揮

寶翰耀朝晃

閣藏魏了翁周易要

義未載經義考

高

累葉族居凜遺規

問中條約子孫不許擅入攜書有客

欲請觀者並須族人皆至

三百餘年世無兩嗚呼縹囊幾經付灰煙酉陽

石室空流傳卽今澹生藁竹邈難問汲古千頃皆桑田斯文

闡洩苞符祕造化常忌鍾名山聚久必散歸物理闕歷兵燹

甯能完惟茲神明永呵護靈光獨峙層楹堅 特賜圖書增

煥爛綠牙紫帶珍千編

中樞謹貯御賜圖書集成

西望宛委近咫尺金

簡玉字輝巖巔長見東南曜采騰奎躔

大功戡定川陝楚恭紀四十韵

聖德昭寰寓師中仰

帝仁誕敷文自遠耆定武如神埃火銷川蜀狼煙息楚秦豐

功垂典冊

欽定平定三  
方紀畧將次告成

偉烈照崖垠昨擾苗疆畔兼沿

漢水濱

苗匪石三保滋事  
邪匪乘閒而起

么膺徒蠢蠢羣醜枉踐踐左道思

迷衆譎言敢亂真脅從咸束縛黨與轉逡巡蟻聚會憑險蜂

屯或采薪卻同烏合野偶亦鼠偷困草蔓生枯蘖星奔涌毒

塵竄投荒箐谷過掠舊城圍鉤結時相食連延未易馴聞江

圖續喘隴阪想潛身詎意

皇威奮俱由

睿算親機立誠豫定謀策必周諄諸將神尤壯三軍氣益振

情甯殊困獸勢直似窮鱗報捷

心彌切殲魁望正頻

伏讀外集盼望捷音甚切

高宗御製纘承欽我

后剿戮慰斯民已愜瞻雲願方欣舞羽句撫綏恩早降經

略命重申稽殄知多日逃誅閱幾春虎貔深激怒士卒共

嘗辛削寨咽喉整團營義勇均轉輸常過棧徵調不驚鄰穴

搗奚能恃巢焚莫可因遺株芟削盡伏莽掃除新錦里皆安

堵烏蠻並薤榛峭函關永固襄沔路堪遵乍喜領軍至旋聽

奏凱陳靈臺看偃伯

清廟告精禋矛戟鏐于治戈鋌靜八蠻

重光宣懿鏢不續燦璘玢蕩蕩揚醲化巍巍播大鈞酬庸

分次第沛澤疊絲綸懋賞崇元老宏猷獎閭臣勲勞銘版

碣圖畫上麒麟西北歡騰畝東南快飲醇甲兵長洗盡樂此  
盛平人

溧陽試院有蒼雲石爲宋丞相趙葵家賜物篆刻蒼雲  
二字傳是宋高宗書用蘇黃壺中九華倡和韵

何年一朵碧雲峰飛落江南獨倚空陰恐蛟龍來海外夜疑  
風雨走山中若移米老齋應拜似鑿仇池穴更通太息名園  
已蕪沒剔銘試搨字瓊瓏

元明人俱有  
題詩鐫石上

### 雨坐

偶到瀨江上扁扉愁雨繁煙籠千嶂溼水漲一池渾孤石通  
雲氣空階沒蘚痕登樓迷望眼幾處綠楊邨

瀛舟

孤山白公祠墻東荷池上小屋一楹名曰瀛舟

離別是湖今與公更添小艇傍墻東一楹書庫琴亭外三版  
竹煙波月中恍向蓬萊剛泊岸長依壺嶠不禁風醉吟好載  
些絃管爭似安恬幾扇蓬

虎林客夜

旅舍淒清劇可憐孤燈一榻抱書眠秋蛩怕聽愁心碎鄉夢  
難成客思懸夜半潮聲來枕上更殘月影澹窗前明朝底事  
慙慙去猶有風波未了緣

江行曉發

江行廿里豁愁顏帆飽秋風腹自彎曉色初開煙浦樹潮聲



遠落海門灣半船宿雨半船霧一岸平林一岸山  
髣髴胥樵圖畫裏歸時展卷話柴關

吾鄉胥山樵自江口達嚴州有翦秋江長卷近藏家上舍壽昌處

### 江中月夜

水浸遙天月滿江空明一片漾蓬窗沿洄自喜輕於葉蕩入  
玻璃豁眼腔

遠山一抹澹江洲幾樹青楓冷欲浮弄月不知煙水闊滿船  
載得十分秋

### 七里瀨

昨發富春渚霽色明霞綺曉趁一颿風早向桐江艤今日入  
瀨來波雲互譎詭兩岸奔濤撞直下激如矢逆流汭危灘進

寸退尺咫雖有百丈繹邪許力難恃篙師挽不前急湍回復  
起奇峰插天開白日通綫晷潑眼煙巒青振舵轉崖湊畫眉  
寂無聲猿猱唬我耳誰爲甘隱淪谿山占七里不見釣魚人  
但畱釣臺址

蘭江遇風

遠岫歎陰雲蒼茫迷煙樹鼓枻谿水深衆派相灌注大風歛  
森馳疊浪觸駭怒帆檣傾欲折篙櫓愁難柱因思涉江海頃  
刻忽驚颶顛簸蛟鼉鳴不測眞旦暮此似茗雪閒何迺艱洄  
瀕須臾傍岸行我心釋恐怖平生歷波濤夷險皆任遇非敢  
輕江潭窮薄命所賦

婺州永福寺

有客澹塵慮言尋到上方入門孤磬發滿院松花香壤塢明  
殘照疎簾逗晚涼跣趺參妙諦無盡意俱忘

周五戈歌

阮中丞夫子所藏

姬周制治追唐虞揆文奮武開鴻模明堂朝會盛儀仗旅賁  
掌夾王車趨六師一怒聽鼙鼓盡看戰士荷戈爰范以精銅  
用仿兌所恨未見宣和圖中丞公獨嗜奇古博蒐金石忘勤  
劬琅嬛仙館購得五寶之直並商盤孟一戈告造字省文自公孫  
呂內上有孔圖如珠彌牟見餘載盲左得此足補三傳無子  
承之戈曰作用古銅剝蝕文模糊其人氏族莫搜攷色質黝

黯凝青膚更有一戈高陽左眉稜堅瘦耀虬須剛侯執戈二  
在前左右離衛森傳呼高陽自是諸侯氏雙戈惜已今成孤  
其餘二戈不鏤款未知誰某紛戮戮或若鈇鋒新發礪或已  
銛折半垂胡長短準以建初尺分寸不爽豪釐銖觀此五戈  
三代物船用定屬君卿夫摩挲內援光閃閃星芒欲射牛斗  
樞鑄勒銘字皆可識文物想像東西都土花斑斕澤瑩滑收  
儲豈易黃金沾歐陽趙薛癖好此神物應尙埋泥塗公今開  
府閱二載文武共仰公良謨一揮天戈靖海島機槍掃落  
風雷驅得非此戈有神力足憑靈怪銷根株惟公作記壽千  
古奇勳堪與垂昆吾

題東陽李司馬入蜀遺照

一隊弓刀叱馭來爭看司馬軼羣才羽書飛調軍儲亟邊塞  
親輪幕府開蜀棧雲盤連詰曲秦關樹遠望裴回踞鞏吟徧  
從戎賦夜月蒼茫萬角哀

著得軍中短後袍皇華奉使本嫻韜星馳輓轍情彌迫花照  
征顏意自豪匹馬孤竄千坂險夕陽斜落萬山高至今拂拭  
傳遺爨猶想當年樹績勞

婺州春日

郡齋絕塵事幽意似衡茅舊徑落花片短牆過竹梢谿雲當  
戶溼山雨隔窗敲觸緒吟無賴蕭寥任客嘲

阮中丞夫子取海塘柳三千枝徧種西湖詩以紀事

范公塘上柳垂條范公塘下海平潮使君好折三千縷閒愛  
東風種六橋

萬縷千條看遠將春風一夜徧芳塘湖船盡向渡頭泊夾岸  
飛花蓬背香

堤外堤連沙外沙氍氍濃影倚風斜無須更乞西川種憑仗  
安瀾疊浪花

裏湖外湖踈地垂長條短條帶雨滋直教畱作陽春陰陌上  
行人知不知

龍井茶

石磴澄渟水一均峯頭幾樹翠相交春風乍過香猶嫩穀雨  
將逢綠尚包谿女朝來歌舊曲山僧夜焙擷雲梢綠知此是  
眞龍窟還取都籃試虎跑

孤山唐白太傅祠迎送神辭

羣峰繞兮湖洵春望兮似畫圖公來刺兮茲郡澤我民  
兮胥涵濡築長隄兮十里植花柳兮邈邈開填塞兮比鄭渠  
用溉田兮薙菱葦君恩許兮住三年最難別兮湖山邈迄千  
載兮繫民思報公德兮肇祀以祠湖之濱兮孤山之麓月點  
波兮松排翠綠公之來兮雲冥冥乘五馬兮樹雙旌藤陰濃  
兮鋪歌席紅蕖香兮揚風胎蕙肴陳兮桂醕奏管絃兮合舞

公來亭兮醉且吟  
悅酒痕兮漬清襟  
公將去兮尙句留  
忍拋棄兮舊湖樓  
秩祀斯所兮景物  
幽處處堪戀兮  
重回頭自今  
伊始兮恣公遨遊

孤山宋蘇文忠公祠迎送神辭

山色空濛兮湖水淙琤  
澹妝濃抹兮宜雨與晴  
公來茲郡兮有筮有展  
撫字我民兮風移俗易  
湖填淤兮菱葑茸茸  
公爲疏濬兮漑畝無窮  
築長隄兮繼白傅  
五十里兮民有餘慕  
思公德兮七百年  
崇祠肇祀兮西湖之壖  
歲寒巖下兮峰環綠  
琉璃十頃兮人皆冰  
玉讀書之堂兮公所  
書宅種花樹兮菊栽  
修竹公神來兮  
迢迢車兩幡兮  
船兩旗雲娟娟兮  
風拂拂



紛迎公兮晚雨朝曦掬寒泉兮孤山之側薦以秋菊兮芬香  
几席冰絃雜奏兮水樂清鏘歌公詩兮公入醉鄉公神去兮  
惚恍偕水仙兮鼓游湖上公遭遇兮屢良謨何一角兮泣畫  
圖嗟九遷兮儋耳靈髣髴兮戀此祀公罔替兮湖山之幽歲  
時瞻望兮慰我思謳

